

Allannguutissatut siunnersuut  
uunga

**Uunga siunnersuut: Inatsisartut Inatsisaat nr. xx, xx. xxx 2019-imeersoq imigassaq  
pillugu Inatsisartut Inatsisaannut allannguutissatut siunnersuut**

Naalackersuisunit aappassaaneerseqarnissaanut saqqummiunneqartoq.

§ 1-imut

1. § 1, normu 3, imatut oqaasertalerneqassaaq:

”3. § 26-ip kingornatigut immikkoortumut qulequtaq imatut oqaasertalerneqassaaq:

” *Imigassanik aalakoornartortalinnik akeqanngitsumik agguaaneq*”.

2. § 1, normu. 4, imatut oqaasertalerneqassaaq:

”4. § 27-imi imm. 1 – 2 aamma imm. 4 – 5 atorunnaarsinneqarput.

*Imm. 3 tamatuma kingornatigut tassaalerpoq imm. 1.*”

Siunnersuummut oqaaseqaatit

**Oqaaseqaatit nalinnaasut**

Imigassaq pillugu inatsisartut inatsisaannut allannguutissatut siunnersuut Upernaakkut Ataatsimiinnermi 2019 Naalackersuisunit saqqummiunneqarpoq Inatsisartut Ukiakkut Ataatsimiinneranni 2018 aalajangiiffigisassatut siunnersuutit sisamat tunngavigalugit. Aalajangiiffigisassatut siunnersuutit ilaannit ataatsimi pineqarpoq § 27 ussasaarinermit inerteqqutip qasukkarneqarnissaa imaluunniit atorunnaarsinneqarnissaa. Tusarniaanermi qasukkaanermik siunnersuut tusarniaassutigineqarpoq. Siullermeerluni oqaluuserineqarnissaa sioqqullugu, tusarniaanermut akissuteqaatigineqartut tunngavigalugit, aalajangersakkamik tamarmiusumik atorunnaarsitsinissatut allangortinneqarpoq. § 27 tamaat ussasaarinermit tunngassuteqarmat atorunnaarsinneqarnissaasiunnersuutigineqarpoq.

Upernaakkut Ataatsimiinnermi 2019-imi imigassaq pillugu Inatsisartut Inatsisaannut allannguutissatut siunnersuutit siullermeerluni oqaluuserineqarnerani tikkuussisutigineqarpoq, siunertaalluanngitsoq § 27, imm. 3-p atorunnaarsinneqarnissaa, tassami imigassanik ussigassanik akeqanngitsumik agguaasinnaanerp inerteqqutaajunnaarnissaa, ussasaarisarnermik qasukkaanissaq imaluunniit atorunnaarsitsinissaq pillugu aalajangiiffigisassatut siunnersuummi pineqanngimmat. Taamaattumik siunnersuutigineqarpoq aalajangersakkap taassumap atuutinneqaannarnissaa, taamaalillutik § 27-imi immikkoortut ilaat sinneri atorunnaarsinneqassallutik.

### **Aalajangersakkanut ataasiakkaanut oqaaseqaatit**

#### *Normu 1-imut*

Allanguutissatut siunnersuutip kingunerisaa tassaavoq Inatsisartut Inatsisaanni atuuttumi § 26-ip kingornatigut immikkoortumut qulequttap allanngortinneqarnera, tassa § 27-mi, imm. 1, 2, 4 aamma 5 siunnersuutigineqartutut atorunnaarsinneqassammata.

#### *Normu 2-mut*

Aalajangersakkami maleruaqqusat atuutereersut misilitassanik assigisaannillu tunniussisinnaanerup inerteqqutigineqarnerat ingerlateqqinneqarpoq. Immiaaqqanik aamma viinninik misiliititsinerit misilitassanik tunniussinertut isigineqanngillat aaqqissuussinerummata.

Aalajangersakkap piffissamut imigassartortitsiusartumut aalajangersakkap unioqqutinneqarnissaa pinngitsoortissavaa.